



Broj: 04-40-1-268/25
Sarajevo, 26.09.2025. godine

Na osnovu dobivenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organiziranju i funkcioniranju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ
za period od 08:30 sati 25.09.2025. do 08:30 sati 26.09.2025. godine

Kantonalna uprava civilne zaštite Kantona Sarajevo: Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali su sedam manjih i jednu veću intervenciju.

Veća intervencija je prijavljena dana 26.09.2025. godine u 03:22 sati. U naselju Vrutci gorio je zapaljeni stambeni objekat (kuća). Vatrogasne ekipe su na lice mjesta stigle u 04:13 sati. Požar je ugašen, a objekat je pretrpio materijalnu štetu. Ekipe su intervenciju završile u 07:49 sati. U gašenju požara je učestvovalo pet vatrogasaca sa dva vozila.

Manje intervencije: osam obezbjeđivanja (četiri prilikom tankovanja goriva na Međunarodnom aerodromu „Sarajevo“, jedno obezbjeđivanje javnog skupa i jedna asistencija prilikom deložacije), jedna tehnička intervencija (otvaranje zaglavljenih vrata).

Općinski operativni centar civilne zaštite Stari Grad: Općinski štab civilne zaštite Stari Grad organizovao je 24-satno osmatranje terena na ugroženim područjima od klizišta, lokalitetima Curine njive, Knjeginjac i Bistrički potok u cilju osiguranja provođenja pravovremenih mjera zaštite stanovništva (pravovremenog upozoravanja i evakuacije, ukoliko to situacija bude zahtijevala) i infrastrukture. Uposlenici Službe civilne zaštite Općine Stari Grad Sarajevo, terenskim obilaskom navedenih lokacija dana 24.09.2025. godine, utvrdili su slijedeće stanje:

1. Curine njive (Opština Istočni Stari Grad i Općina Stari Grad Sarajevo – Bostarići):

Uočene su geološke promjene, uključujući formiranje pukotina uslijed atmosferskih uticaja i pucanja tla (na dijelu „Curine njive ispod igrališta“ – dio šumskog zemljišta).

Obilaskom lokaliteta Curine Njive, na igralištu sa gornje strane urađena je drenaža i voda skrenuta na drugu stranu prema potocima u šumu, prema rasadniku. Primijećena je blaga erozija tla i širenje pukotina na navedenoj lokaciji. Osim toga, primijećena je i vlaga u pukotinama na igralištu. Primjetno je vlažno zemljište kao i erozija tla prema kućama Kerića. Dotok vode sa

drenaže i sa izvora prisutan je u minimalnim količinama. I dalje je na snazi pripravnost pripadnika DVD Vratnik, Savjeta mjesne zajednice Širokača i uposlenika Klico trans d.o.o.

Ocjena rizika: Lokalitet je ocijenjen kao uslovno kritičan zbog geoloških procesa, te zahtijeva kontinuiran nadzor.

2. Knjeginjac (Opština Istočni Stari Grad): Nije zabilježeno novo odlaganje građevinskog materijala. Uočeno je slijeganje postojećeg deponijskog materijala uz početne znakove erozije, što ukazuje na postepenu konsolidaciju tla i uticaj atmosferskih faktora. Vidljivo je novo slijeganje deponije, te osipanje zemlje sa iste. Na nasipu su vidljive bare sa vodom. Donji dio nasipa je vlažan, a dotok vode je u minimalnim količinama prema drenaži. Vidljivo je blago osipanje zemlje. Pregledom rigola iznad ceste je utvrđeno da je bez prisustva vode, što potvrđuje smanjeni dotok iz viših dijelova terena.

3. Bistrički potok (Općina Stari Grad Sarajevo – Boguševac i Opština Istočni Stari Grad): Korito potoka je i dalje djelimično zatrpano zemljanom i kamenim materijalom i obrušenim stablima. Nisu evidentirane nove degradacije. Na lokaciji potoka i duž istog se ne izvode radovi za raščišćavanje, tako da je i isti u dijelu nasipa zatrpan kamenjem i stablima. Dotok vode kroz bistrički potok prema Trebeviću u minimalnim količinama, dok se sa kaptaže izvora kod mosta na Boguševcu, višak vode i dalje ulijeva u kotito potoka.
Ocjena rizika: Povećana opasnost od plavljenja u slučaju obilnih padavina, akumulacija nanosa uzvodno od začepljenja, u slučaju obilnih padavina mogućnost erozije obale uslijed promijenjenog toka vode.

4. Evakuacija stanovništva sa ugroženih područja:
Na osnovu Naredbi Štaba civilne zaštite Kantona Sarajevo (br. 08-40-1128-2/24 od 01.11.2024. godine i br. 08-40-1128-2.1/24 od 20.11.2024. godine), kao i Planova evakuacije Općine Stari Grad Sarajevo, Služba civilne zaštite redovno obilazi naselja Bostarići, Ablakovina i Ablakovina čikma. U toku su procjene rizika i pripreme za eventualno izmještanje stanovništva u sigurnije objekte, koje će osigurati Općina Stari Grad Sarajevo.

Iz ostalih općinskih operativnih centara civilne zaštite s područja Kantona Sarajevo, kao i od drugih davalaca informacija nisu dobivene relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.

JU Zavod za javno zdravstvo Kantona Sarajevo: Broj oboljelih u Kantonu Sarajevo od Leptospiroze na dan 25.09.2025 godine prikazan je u sljedećoj tabeli:

Ukupan broj oboljelih od Leptospiroze u Kantonu Sarajevo - Stanje na dan: 25.09.2025. godine	Broj prijavljenih slučajeva Leptospiroza po općinama							
	Novi Grad	Centar	Ilidža	Stari Grad	Novo Sarajevo	Ilijaš	Vogošća	Hadžići
119	80	13	9	6	7	1	2	1

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 08:00 sati temperatura u Sarajevu na mjernoj stanici Bjelave je iznosila 16°C, vlažnost zraka 90%, barometarski pritisak 945,9 hPa.

BIHAMK: Saobraćaj se na području Kantona Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

Prema informacijama prikupljenih od dežurnih dispečera i informativnih službi KJKP GRAS, Centrotrans – Eurolines d.d. i JP Željeznice Federacije BiH, gradski, međugradski i željeznički saobraćaj se odvijaju po redu vožnje.

PO OVLAŠTENJU DIREKTORA
ŠEF CENTRA

Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu Štaba CZ Kantona Sarajevo
- Federalnom operativnom centru civilne zaštite
- a/a